



Arubaanse Courant

ANJA 25

DIAHUEBS 6 FEBRUARI 1964

No. 4957

GOBIERNO CENTRAL TA BISA: TRAHA CONHUNTO PA DESAROYO ECONOMICO

WILLEMSTAD, 5 febr. - Den e contesta ariba e resultado temporario di Staten cerca e presupuesto di Land pa anja 1964 gobierno central ta haci un suplica pa cooperacion entre gobierno, representante di pueblo y gobierno y teritorionan insular. "Cu forza conjunto tin di worde traha pa logra e doel cu a worde proponi, esta mas desaroyo economico di Antillas. Ta worde spera cu tur e organonan responsabel pa e asuntonan bai bon, cu saber lo haci esfuertonan pa mantene interes general na bista" segun e gobierno den su carta na e nota di contestacion ariba e resultado temporario.

WILLEMSTAD, 6 februari,
En continuacion di loke ta para
riba ta worde bisa tambe:

Manera cu ya caba a worde splica den e programa di gobierno un bon cooperacion entre gobierno central y e directivanan di e teritorionan insular ta un exihencia di promer orde tumando e medidanan cu tin di worde tuma pa estension di e base economico di Antillas na cuenta. E cooperacion aki a concretisa su mes na anja 1963 ariba diferente tereno. Regularmente tabata y ta worde papia y scribi entre e gobiernoy bestuurscollegenan segun ta necesario. E deliberacion preparativo cu autoridatnan hulandes tocante di yudanza a worde haci door di un delegacion mixto di gobierno den cual tabatin funcionarionan di Land y di e teritorionan insular di Aruba y Corsow. Tambe na e preparacionnan oficial di yudanza di banda di Europesche Economische Gemeenschap (EEG) tabatin un contact intimo y un bon cooperacion. Alavez ta worde traha intensivamente y estrecho na e realisacion di e projecto nan di e plan di desaroyo di tres anja di Bonaire/Islanan Ariba. Y tambe regularmente ta tuma lugar entercambio di informacionan entre land y e diferente teritorionan insular.

PLAN DI TANTO ANJA.

Cuestion di secreto en relacion cu e deliberacionan tocante di e plan di tanto anja di Antillas den promer fase no tabata existi. E resultado di e deliberacionan entre e delegacion di Hulanda y Antillas e tempo ey a worde publica durentemente di un conferencia cu prensa, cual a worde tene den e edificio di aeropuerto Dr. Albert Plesman, despues di e conferencia, ta papia pa su mes cu gobierno no por presenta cerca Staten cu mitar informacionan cerca Staten cu mitar informacionan. Tumando e importancia di e objetonan na cuenta e sakinan tin di worde prepara detalladamente.

Siguiendo poco despues ariba e mes un punto aki atrobe a worde bisa: "Ya na terminacion di e deliberacionan menciona entre e delegacionan di Hulanda y Antillas ariba 5 di juni 1963 tabata

conoci, cu e aprobacion di parti di Staten General lo tuma lugar na fin di 1963.

Dene protocol di conclusionan algun data saillante a worde poni; cu e colaboracion completo naturalmente tabatin mester di mas tempo. E cambio di ministronan na Hulanda a tarda esaki un poco, como cu e ministro nobonan tin di studia e problemanan rond di e plan di tanto anja di Antillas promer, mientras cu algun otro problemanan urgente na Hulanda a pidi atencion di gobierno Hulandes. Entre tanto e ley pa juda na Antillas Staten General cu fecha diez siete di december 1963, caminda e lo worde trata normalmente como un proyecto pa un ley. For di un y otro por constata cu e kabinet nobo di Hulanda ta di acuerdo cu loke ta para den e protocol di conclusionan". "Alavez por worde bisa cu gobierno ta trahando duro ariba e pre-deliberacionan en cuestion cu e projectonan, pa asina cu tin tanto cu ta posibel cla, pa ora cu e parlamento Hulandes duna su aprobacion, por cuminsa mas pronto posibel cu realisacion di e plannan".

REGALONAN.

Kiko algun di e miembronan kier meen ora cu nan puntra tocante di situacionnan dwars cu a resulta en conexcion di partimento di e sumanan cual lo worde hanja a fondos perdu, no ta mucho cla na gobierno. Mientras cu e ley di cual ta trata ainda na Hulanda ta di comonde cu no tin cuestion di partimento. Apesar cu esaki, tumando local a worde bisa aki riba na cuenta ta un anticipacion ariba un situacion cual ainda noa resulta, tin di cual a resulta, tin di worde bisa cu e terminonnan usa di partimento, dunamento y e contamento di e suma a fondos perdu pa cabez di poblacion, no tin nada di haci cu e problema actual. Tumando aspectonan financiero economico na cuenta gobierno lo studia e necesidad di projectonan cu a worde manda aden, na unda aki tambe ariba base di aspectonan financiero y economico lo worde decidi cual projectonan lo por worde realisa parcialmente of a fondos

perdu respectivamente como soft loan of fianza normal. E rapport Lieftinck y tambe e deliberacion cu Hulanda claramente a muestra e necesidad aki en relacion cu esaki por worde muestra tambe ariba loke tabata para den programa di gobierno en cuestion cu e garantia cu e teritorio insularnan tin di duna. En cuestion cu e planning di e islanan por worde bisa, cu en relacion cu esaki cu gestionan no a worde ricibi ainda di e teritorionan insular. Ultimamente mes a worde pidi door di gobierno un lista di prioridad for di e teritorionan insular, cual tin di worde manteni na e escoemento definitivo di e projectonan den e kader di e plan di tanto anja di Antillas pa e promer fase.

ASOCIACION EEG

"Como resultado di pasonan tuma en cuestion cu esaki door di gobierno un miembro Hulandes di parlamento Europeo a haci preguntanan na e comision Europeo en cuestion cu e tempo cu Antillas lo worde associa.

E comision a laga sabi cu nan lo haci suplica na e diferente miembronan di Staten di e comunidad economico Europeo, pa haci poco liher pa asina e asociacion por bira realidad pronto.

En cuanto e suplica aki di e comision Europeo na e Staten lo tin resultado tambe ariba termino corto no ta conoci na gobierno. E echo por ehemplo cu e formamento di e gobierno Italiano nobo a termina te den e ultimodiana aki, esaki probablemente lo dilata e tratamiento parlamentario na Italia. Pero si gobiernoporduna segurancacu notin otro problemanan, cu esnan menciona cu ta stroba e asociacion di Antillas na e comunidad Economico Europeo.

En relacion cu e posibilidad pa financiamiento di projectonan economico y social for di e promer fondo di desaroyo di comunidad economico Europeo ya caba a worde delibera extensamente y oficialmente. No tin nada contra pa tuma e siguiente projectonan den consideracion, pa e finclamento di cual ta trata. Decision definitivo sin embargo por worde

tuma te despues di e asociacion Projectonan economico:

Curacao: Haaf, proyecto Waalgat, mercado, aeropuerto, camindanan di desaroyo.

Aruba: Aeropuerto, caminda di desaroyo.

Land (inclusivo Bonaire y Islanan Ariba): Camindanan di desaroyo, registracion di teritorio di Islanan Ariba, awe pa St. Maarten. Projectonan social:

Corsow:

Construccion di schoolnan, trahamento di cas pa pueblo. (Infrastuctuur).

Aruba: Trahamento di school. Land (inclusivo Bonaire y Islanan Ariba): Trahamento di school.

PRIORIDAD NA EXPORTACION

"Pa e realisacion di projectonan di Land, asina leuw cu nan no ta contra interesnan di Land y asina leuw cu ta posibel, prioridad lo worde duna na proveedornan di EEG. Na e teritorionan insular e peticion lo worde haci pa tuma e mes un consideracion den e sector particular si esaki ta poco mas dificil. Sin tuma medidanan drastica manera hisamento di derechonan di importacion preferencial - pa stimula e trafico economico cu EEG.

LUCRATIVO

"Bao di un proyecto lucrativo gobierno kier meen un proyecto, di cual e servicionan cu e por duna, lo produci asina hopi, cu for di esey pagamento di e tal gastonan directo p.e. renta y debe haci en conexcion cu trahamento di e proyecto por worde haci.

Segun gobierno e brug nobo na Willemstad por worde haci lucrativo, bisando:

FATUM Tel. 1845
pa tur bo aseguronan

"En cuestion cu un brug vast tin motibo pa haci uso di esey palaga trafico paga e gastonan. Den cual forma esaki tin di tuma lugar tin di worde aregla ainda. For di banda di teritorio insular di Corsow e posibilidadnan a worde nombra manera: "Tol opcenten ariba belasting di gasolin, esta placa pa belasting di numernan di auto etc." En conexcion cu esaki gobierno ta continua bisando: "En conexcion cu e estension di e pista di aterizaje na Aruba e aeroplanonan cu ta baha y subien principio lo mester a paga un total di gastonan directo, renta y debenan. Pero tumando e cantidad minimal di aterizaje y subida, e

HAVE A REAL CIGARETTE

HAVE A

CAMEL



ARUBA'S FAVOURITE
CIGARETTE

ora cada biaha esaki lo a bira un suma astronomico cu tin di worde paga door di e compania di aviacion en cuestion. Ta di comonde cu esaki lo tin un resultado net lo contrario cu e deseo pa aumentacion di e cantidad di aterizahenan y door di esaki, progreso di Aruba. Ta basa ariba esaki cu e estension ya menciona di e pista di aterizaje na Aruba ta worde marca como un proyecto no lucrativo.

Proceso na Israel

TEL AVIV, 6 Feb. E segundo dirigente di e opera di Tel Aviv, Herchl Berenblatt, a worde haya culpable awe pa tribunal di Tel Aviv, di a colabora cu gestapo durante segunda guerra mundial na Polonia.

Dentro di algun dia e tribunal lo duna sentencia. E acusado por haya un castigo maximo di dies anja. Berenblatt tabata chef di hulppolite den e getto di Bejln.

Durante e proceso, cu a dura un anja, diferente testigu a acusa di a colabora cu gestapo na envio di hudlunan pa kambenan di morto.

INVITACIONAN

PA DE GAULLE

MONTEVIDEO, 6 Febr. President De Gaulle di Francia a haya invitacion pa un bishita na Uruguay durante su viahe pa America Latina na otoño di e anja aki.

Asina e embajador di Uruguay na Paris a participa. Tambe president De Gaulle a haya un invitacion di Ecuador pa e bishita e pais durante su gira door America Latino. Asina e secretario general di e ministerio di exterior na Quito a participa ayera.

Lago a celebra di 35 aniversario

Oranjestad, 6 Febr. Dia 29 di januari ultimo Lago Oil & Transport Company Ltd. a celebra su di 35 anja di existencia na Aruba. Loke a cuminsa como un stacion di cargamento di azeta pa tankeronan grandi a crece bira e compania di azeta di mas grandi di mundo, cual ta un di esnan cu ta paga cu trahadornan de lo mehor den territorio di Antillas.

Tur esaki a cuminsa ariba cierto dia na anja 1925 ora cutres homber den un canoa a rema door di Lagoen na punta este di Aruba y a dicidi cu eynan por construi un haaf excelente cu por sirbi como stacion di descarga y carga tankeronan di Lago di Maracaibo, caminda e tempo ey tabatin un "barera" ainda, door di cual unicamente tankeronan chikito cu poco profundidad por a drenta y sali for di Lago di

Maracaibo. A worde dicidi pa coba e parti este di e rif, asina cu e tankeronan por a drenta e haaf proteha naturalmente e trabao di cobamento a cuminsa na e mes un anja. Dia diez siete di november di anja 1927 e haaf di San Nicolas a worde inaugura oficialmente como un haaf di azeta. E tankeronan di Lago di Maracaibo tabata drenta descarga nan azeta, mientras cu tankeronan di oceano tabata drenta

carga e mes un azeta pa transporte over di oceano. Tabata tambe den e mes un anja 27 cu tabata existi e plan pa traha un refinaderia di azeta den territorio Paraguana-Aruba-Corsow. Pa investiga esaki a bin Aruba senjornan Paul H. Harwood, Thomas S. Coock, Lloyd G. Smith Donal J. Smith. Para riba e water toren y mirando e paisahe e decision a cai, cu pronto Aruba lo worde saka for di su isolacion y cu e standard di bida di e isia lo bai halto manera un raket. Mientras cu e cargamento y descargamento na haaf tabata continua keto bai, a worde cuminsa cu construcion di e refinaderia. Cual dia 29 di januari di anja 1929 a worde habri oficialmente. Na e momento Lago ta trahando ariba su di cuatro billon bari di azeta.

E instalacionnan na San Nicolas a worde tuma over na anja 1932 door di Standard Oil Company of New Jersey.

Presidente IOWUA ta bai casa

Oranjestad, 6 Febr. Senyor Frans Lodewijk Maduro, kende antayera huntu cu otro dos miembro di Independent Oil Workers Union of Aruba, e union di trahadornan di Lago, di cual e ta presidente, a regresa for di Venezuela despues di un estadia ayanan, pronto lo sera enlase matrimonial. E presidente di Union lo casa cu senjorita Sifides Emilia de Cuba, yiu mulier di senyor y senjora Isaac Rufo de Cuba cu ta biba na Savaneta 99. E casamento lo tuma lugar dia 11 di februari na Oranjestad na burgelike stand. Senyor Maduro tin 25 anja y su futuro esposa 20.

ROOI TAKI TA BIRA PARQUE

Oranjestad, 6 Febr. - E B.C. di Aruba den promer instancia a bai di acuerdo cu e peticion di senyor Jose Geerman, miembro di Eilandsraad den e fraccion

PPA y hefe di bestuurskantoor na San Nicolas, pa usa territorio di Rooi Taki como un parke. E pida tereno di cual ta trata lo worde cera door di Werkverschaffing. Senyor Geerman kende ta un gran amante di naturaleza y un partidario pa proteha e bellezanan di naturaleza di Aruba, kier pone haulanan cu parhianan stranjo aden den e parke, mientras alavez e kier trece diferente sorto di matanan stranjo ey den. Desde basta tempo caba senyor Geerman ta teniendo accionnan priva pa kita e publico di kap matanan. Proteha e poco matanan cu Aruba tin, ta e lema di senyor Geerman.

REGALO DI LAGO PA CARNAVAL

San Nicolas, Den un esfuerzo pa tambe coopera cu e fiestamento di carnaval na Aruba Lago ultimamente a regala un gran cantidad di barinan nobo di azeta na steelbandnan local. En total 150 bari di calidad musical halto a worde duna.

Binti ta delibera pa C.C.T. nobo

San Nicolas, 6 Febr. - Segun un publicacion ultimamente binti persona ta envolvi den e deliberacionan tocante di un combenio colectivo nobo di trabao cu Lago. Como representantenan di Lago ta sinta na mesa, miembro di directiva F.W. Switzer, process manager G.L. Macnutt, senyor H.F. Couzy di departamento tecnico, senyor J.V. Friel di Industrial Relations como advisor y senyor E.F. Weich di e mes un departamento como secretario. Di Independent Oil Workers Union of Aruba ta tumaparti na e deliberacionan, presidente Frans Lodewijk Maduro, vice presidente M. de Cuba, secretario general L. Albus, tesorero Pedro Brook y tambe senjornan J. M. Diaz, Dominico Flemming, J.V. Yarzagaray y Dominico Maduro. Alavez tapresente na e deliberacionan como deliberadornan interino di Union, senjornan J.F. Baren, R.A. Colina, J.A. Croes, E.S. Pellegrin y H.E. Reeberg. Manera anuncia anteriormente caba e deliberacionnan actual a yega na un punto cu a causa cu e deliberacionnan a worde para.

Marconiphone's TV-Service



See us for non-stop enjoyment of television programs

Even if it is necessary for us to take your set to our shop for major repairs, you won't miss a single program. We'll lend you a set to use while work is being done.

MARCONI PHONE RADIO SALES & SERVICE

San Nicolas

Tel. 5325

TA BUSCA PA HUUR UN CAS cu 2 of 3 kamber pa un pareha cu un ylu.

E cas mester ta bon situa. Prijs max. f. 100.-- pa luna. Pa Inf: Jama tel. 1116 - 2116.

PALAIS ORIENTAL
Na Oranjestad Pabao-SU BARATILLO FENOMENAL TA NA MARCHA FLUS PA MUCHA

HOMBER completo, carson cu bachi, pa solamente fl. 3.90 y hopi otro articulo mas.

continuamente mercancia nobo ta worde inclui den e baratillo aki, cu prijsnan masha masha abou.



E Cas Di Bo Sonjo na prijsnan practico



cu materialnan di construcion di calidad y na prijs atractiva, esey ta solamente na

PETRONA & CROES

Cumpra bo tairanan

Continental

awor y laga nos monta nan

GRATIS pa bo.

Tur tamanjo na existencia.
E. & G. MARTIJN (ARUBA) N.V.

Havenstraat 10-12
tel. 1429 - 1493

TA BUSCA PA HUUR UN CAS

Cu tres kamber den Oranjestad.

Pa Inf: Jama tel. 5666/5046 contact Nandwanl of Brenchl Arends tel. 1057

President Johnson ta papia cu Carl Rowan di 38 anja cu a worde indica como sucesor di Murrow, director di United States Information Agency. - Rowan actualmente - ainda ta embahador di Merca na Finlandia. Edward Murrow a tuma su retiro pasobra e mester haci un operacion como cu e tin cancer di pulmon.



LA REINA TA DUNA DECLARACION

EN HAAG, 6 febr. Mi di duna boso parti-
sacion den nomber di
esposo. Ultimo tem-
a ser papia y scir-
kopi acerca di no-
tima Irene. Tinho-
interesa pa su plan-
pa den futuro. Gus-
tamente no kier a
boso na. tem-
an na altura dje plan-
on aki. Pero cuaki
tabata posibel door
je posibilidad di un
compromiso. Esaki bo-
lo por comprenda
pero desgraciadamente nos ju
ena a participa nos awe tardi,
e compromiso aki no ta bina
na. Boso lo por compren-
e cu nos ju ta pasando den un
situacion masha difisil. Pero
ta haci un petico urgente na
a meter boso dje circumstan-
cion aki. Pronto no ta spera
tin nos ju stima entre nos a-
gelo.

tualmente. Despues dje conferen-
cia na Soestdijk e minister pre-
sident mr. Marijnen y e minis-
ternan Biesheuvel, Scholten y To-
xopeus, gabinete y tambe presi-
dent di Tweede Kamer y lidernan
di fraccion a informa e tal sen-
sibrenconvent.

AVISO
Comandante di mariners-
kazerne „Savanele“, Aruba ta
duna di conocé cu dia 7 di
februari 1964 for di 07.00 -
13.00 or lo tin exercicio di
combate cu mortier riba ter-
reno di California (Aruba).
Maximo altura di es projec-
til lo ta 1000 metros.
E terreno peligroso lo wordu
marca cu bandera cora y bor-
chinan di aviso.
E terreno peligroso riba lamar
lo ta 3000 metros for di cos-
ta.

E frontera entre Rusia y China
PEKING, 6 febr. E negocia-
cion ta tocante marcacion di
frontera entre e provincia chi-
nes Ningling y Union Sovietica
lo cambia pronto na Moscu of
na Peking, segun ta wordu infor-
ma di fuente generalmente bon
na altura.

*E dos caballeronan
aki continuamente la
causa bichamento -
den e pueblo Olym-
pico na Innsbruck ca-
minando e weganan O-
lympico la lama be-
gar actualmente. E
caballero na robez
no la Chroesjtsjef,
pero Konstatijn A-
drianov, presidente
di e bond Ruso di ski
y e barbudo na drechi
no la Fidel Castro,
pero Carlo Krennska
e kokki di e cas di
estudiante na Inns-
bruck.*

El discurso di radio di La Reina
ta pone fin na un rumor na,
cu awe tabata circulando Hulanda. A
we tardi e minister president
Hulandes, mr. Marijnen tabata un
conferencia cu a dura 4 ora cu
La Reina Juliana y príncipe Bern-
hard. Despues e propio minister
hació un entrecambio di idea cu
vice minister president y con-
sidernan di asuntunan interno y
puestela.
E rumor en la mas comenta na
Hulanda, cu e princesa tal aye-
rauché a yega Hulanda y tabata
presente na conferencia cu su
mayanan tabata cu e minister
Marijnen.
Enfrontera di esaki a bta e decla-
racion dje servieto di informa-
cion di retornado, cu a princesa a
we maldita salí cu avion folspan-
ja pa Hulanda. Pero ta suplica cu
e princesa no a yega cu e avion
real.
Direccion dje convento di „Al-
dehomena“ ta lina na 20 km na sur
di Madrid a documenta retorna-
mento cu e princesa ta don re-
trato akian. Señorita Wiljon,
secretaria paritientar di su Alle-
sa rival princesa Irene, banda di
stardi a bisa di no tin ningun
idea, unda e princesa por ta ac-




E CERBEZ DI MAS BEBI NA ARUBA

ta invita e publico en general pa bin
apoya nan candidatura favorita durante
eleccion pa MISS ARUBA 1964,
señorita

LINDA CROES

BIBA CARNAVAL - BIBA MISS HEINEKEN!



“SANTA PAULA” y “SANTA ROSA” bapornan
moderno di **GRACE LINE**, semanalmente ta tra-
ce turista y carga pa nos isla.

Usa e servicio eficiente di **GRACE LINE** *biala via*
GRACE.

Agente:

EMAN TRADING CO. INC

Oficina tel: 456 454
5054-5055
Dock tel: 335



Francia ta reconoce regimen di Vietnam

PARIS, 6 febr. Francia a
reconoce e regimen nobo di Sur
Vietnam cu a wordu establece
dia treinta di januari despues di
un golpe militar cu dramamen-
to di rangan. E reconocemento
di Francia a lina lugar dia pre-
mier di februari.

ENJOY TELEVISION AT ITS BEST

WITH A **SIERA**




SA 591 504 A
EPI SA 591 504 A

10

AUTOMATIC
FUNCTION

CASA ELECTRONICA



NOTICIA DI POLIS

Oranjestad, 5 Febr. - Na warda di polis un comerciante curazonenjo a bin duna cuenta cu un hoben a horta ocho mil florin for di den su negoshi. E hoben di 23 anja a worde deteni, sospecha di ta esun cu a comete e robo menciona. E caso ta worde investiga.

STEELBAND DEN CALLA

E tocamento di steelband den callanan di Oranjestad, como un punto di programma pa anima e pueblo di Aruba pa tuma parti na carnaval di e anja aki, ta hanjando mas resultado, door cu hobenan bochinero ta causando trobbel. Ultimamente polis mester a actua contra di e multitud grandi di hobenan cu a acumula rond di e steelband cu tabata tocando den calla grandi. E autonon cu tabata pasa door di Nassaustraat no por a pasa trankil. Diferente of mihor bisa majoria di auto a haya un sota di moketa for di tur banda. Hasta nan a bal asina leuw cu nan a gara un auto y cierto momento tabata parse cu nan lo a bolter esaki. Cuerpo policial ta bai actua severamente contra di e malhechornan aki, kendenan door di nan actitud no ta propaga carnaval manera ta worde spera.

A KIBRA RIBCHINAN

Na San Nicolas un hoben di binti tres anja di edad, un tal F.K. a cai di un trapu cu e consecuencia cu el a kibra diferente ribchi. Inmediatamente e mester a worde transporta pa hospital pa tratacion.

INCIDENTENAN ANTI-

MERICANO NA CYPRUS

NICOSIA, 6 Feb. - Na Nicosia, unda ayera noch tabata tin un asalto di bom riba e embajada mericana, dos auto di funcionarian mericano a worde pega na candela. Awe mainta e promer grupo di muhe y muchanan mericano a worde transporta cu avion pa Beiroet.

Embajada Mericano a bisa tambe cu ainda tin cinco avion especial ta bin pa evacua mas o me-

CAI DEN POS

Diamars anochi banda di diez or a tuma lugar na Catiri un accidente basta serio. E hoben N.W. di diez cuater anja di edad tabata corriendo cu su amigo den auto, di repente a mira un coneuw cruza caminda na Catiri. Rapidamente el a baha na careda for di e auto y a cuminsa corre tras di e bestia. E no a hanja e coneuw, pero el a cai den un pos di diez cinco meter hundo. Cu heridanan grave e mester a worde transporta pa San Pedro Hospital.

A MORDE SU RUMAN

Un hoben di binti siete anja kende tabata den un bar a worde ataca pa su ruman homber cu tabata burachi. Esaki a morde su ruman di tal forma den su cara cu e mester a worde transporta pa San Pedro Hospital.

DEMONSTRACION NA GRECIA

ATENA, 6 Feb. Na Atena mas o menos tres mil estudiante a demonstra contra envio di trupanan di Navo na Chipre.

Nan a exigí, gritando duru, cu e asuntonan Chipres mester worde regla pa Nacionnan Uni, cu Grecia mester sali for di Navo y cu inglesnan mester bandona Chipre. Ademas nan tabata grita, cu e forsan di Navo na Chipre lo bini contra di e luchadornan di Eoka.

Entre tantu e minister Chipriota di exterior, ta sigui awe cu deliberacionnan na Londen tocante e contesta di Makarios riba e proposicion pa envio di un trupa internacional pa Chipre.

nos 700 Mericano for di e isla. Ultimo simannan tin un campanya organisa anti-Mericano na Chipre, cu aunque gobierno di Chipre ta protesta oficialmente lo worde continua tog. Como cu awor e campanya ta worde hiba mas fuerte nan a recomenda evacuacion voluntaria di muhe y muchanan Mericano for di e isla.

Tur dos e autonon Mericano a worde kima den oranan di marduga. Asina embajada Mericano a participa. E prome grupo di hende muhe y muchanan cu a bando na Chipre tabata consisti di 55 persona.

Ehercito Ingles a negocia awe tocante libertacion di mas o menos cincuenta estudiante Griego y un dokter, cu a disparce ayera



GRATIS

SIN PAGA NINGUN CEN.



LICORES ARUBA N.V. na nomber di su candidata

MILDRED F. CROES



MISS AMSTEL 1964

ta ofrece completamente gratis na tur simpatizador y admiradornan di Miss Amstel, Srta. Mildred F. Croes

TICKET DI ENTRADA PA ELECCION DI MISS ARUBA

NA WILHELMINASTADION, 6 FEBRUARI 1964, 8.00 P.M.

Pa solamente 1 doz. di botternan bashi di cualkier producto AMSTEL, bo ta haya completamente GRATIS, sin paga ningun cen chikito 1 ticket di entrada pa eleccion di Miss Aruba

BUSCA BO TICKET AWE MES NA

LICORES ARUBA N.V.

Y APOYA NOS CANDIDATA MILDRED F. CROES.

mientras cu nan tabata corre den busnan na caminda pa Morphou for di Xeros. E rehennan a worde liberta despues di e negociacionnan.

Separacion racial na schoolnan di Merca

CLEVEAND, 6 Feb. - E conseho di enseyanza di Cleveland a dicide pa admitti ocho alumno di colo na schoolnan, cu te awor aki tabata worde bishita principalmente pa muchanan blancu.

E alunnonan en kestion a worde hiba nan mes school den e barlo di hende di colo na Cleveland, unda tabatin muchu alumno pa tres school cu te awor tabata blancu, unda nan lo hanja les den un lokal especial pa nan.

Mostrantenan di colo a demonstra ayera dilanti di e edificio di conseho di school, na cual demostracion binti demostrante a worde arresta.

Awe e conseho a anuncia e decision menciona aki riba. Dos lider di e comunidad di hendenan color seur na Asheboro, North Carolina a declara, di lo comete suicidio, door di sera nan mes den un caha, si gobernacion dia trinta di

mei mas tarda no a dicide pa abolí separacion racial den e ciudad ey.

Na Tuskegee, den central-Alabama, nan tin casi dos cien polis di estado prepara en coneccion cu inscripcion di diesdos alumno di colo na schoolnan, cu te awor aki tabata admitti solamente alunnonan blancu.

E diesdos muchanan ta di un escuela secundario na Tuskegee. Despues cu na september nan a worde admitti na e school aki cu originalmente ta muchanan blancu, e muchanan blancu a bandona e school. E diesdos alunnonan, awor den dos grupo di seis lo worde admitti na otro schoolnan secundario.

Den anochi di diamars riba dia-rason tres school cu tabata propiedad di un miembro di e conseho escolar di Notasulga, a worde pega na candela. Gobernador Wallace di Alabama a anima e habitantenan blancu di su estado pa kita nan junan for di e schoolnan original di hendenan blancu, unda mester a admitti muchanan di color.

CARNAVAL - KODAK

Laga e anja aki tambe bira un recuerdo permanente cu

KODAK

Oferta especial di KODAK-CARNAVAL valido te dia 8 di februari 1964.

cada comprador di un

* CAMARA pa portret of

* CAMARA pa saca cine,

ta ricibi completamente gratis

UN FILM CU TA PERTENECE NA E CAMARA.

BO CARNAVAL TA BIRA INOLVIDABLE SI BO USA KODAK

pa mas informacion sin ningun compromiso

NEME IMPORT EXPORT CO.

Tel. 1754



FRANCIA NO TA DUNA TRUPANAN PA CYPRUS

PARIS, 6 Feb. E minister Frances di informacion, Peyrefitte, a participa awe cu Francia lo no pone trupanan disponible pa e potencia internacional pa Chipre.

Francia no por envolvi su mes den un operacion cu ta basa riba e estatuto di Zuerich na cual su establecimiento Francia no a tuma parti y cu tampoco ta parece di ta intencionado como algu permanente.

E minister Frances a bisa cu Francia no ta sinti ningun deseo pa mete su mes den e asunto ey.

E minister Peyrefitte a bisa tambe, cu e punto di bista Frances pa cu e proposicion ingles lo por tabata otro, si e proposicion a worde haci pa e principal interesadonan, esta Grecia, Turquia y Chipre.

E conflicto entre Merca y Panama

WASHINGTON, 6 Feb. E consejo di e organisacion di estadonan Mericano ayera a dicidi, pa jama e organo consultativo, segun ta worde provisiona den e acuerdo pa judanza mutua di Rio de Janeiro, pa investiga e keho Panamenjo tocante agresion di Merca y pa un solucion di e conflicto entre e dos paisnan.

E consejo consultativo lo reuni na un fecha y lugar cu lo worde anuncia despues.

E consejo di seguridad di Nacionnan Uni a worde pone na altura di e decisionnan.



E exposicion mundial cu lo worde habri e anja aki banda di New York ta jegando na su terminacion.

Riba e portret area por mira claramente e.o. e gran globo cu ta eye-catcher di e exposicion.

E globo aki a hanja e nomber di Unisphere e mester simbolisa e union di e pueblonan.

Entrega di embahada di China na Paris

PARIS, 6 Febr. - Di fuente oficial di China Nacionalista na Paris a worde informa, cu China Nacionalista a pasa e acta di propiedad pa su edificio di embahada na Paris na e delegacion nacionalista di UNESCO pa cu esey evita tur intento, pa entrega e edificio na un embajador di Peking.

Un funcionario di e delegacion nacionalista na UNESCO a admiti tambe, cu awor e edificio di embahada ta di e delegacion di UNESCO cu tin un status diplomatico.

CASO DI ESSO CONTRA GOBIERNO ARGENTINO

BUENOS AIRES, 6 Feb. Esso Argentina Inc. Y Essopetrolera Argentina, e empresanan hermana di Esso Internacional, a cuminsa un caso contra gobierno Argentino. Nan no ta di acuerdo cu e decreto di november anja pasa na cual tur coneccionnan a worde declara nulo. Nan ta existi pa gobierno Argentino worde ordena pa tene su mes na e obligacionnan contractual y e posibel danjo material y moral y mester worde paga.



AWOR MAS ECONOMICO!

SOPA **Continental** de Pollo y Fideos



AWOR

2 PAKI Den Cada Cahita

MAS ECONOMICO!
MAS CONVENIENTE!

Aruba Trading Company



KLOMPEN KLUB



"Sitio Mas Dibertido Di Aruba"

STREA DI E SHOW

For di Diahuebs anochi, 6 di Februari

EMILIA CONDE

ARTISTA DI FAMA INTERNACIONAL


Show ta cuminsa 10'or p.m.

KLOMPEN KLUB TA ABRI DI 7- 2 P.M.

RESERVA BO MESA NA TEMPO CERCA MAITRE D'HOTEL
KURT HAIDL - TEL. 2250

PRIMA **hotel aruba** CUSHINA
SERVICIO **aruba** PRIMERA CLASE
CASINO **aruba** CARIBBEAN.

un FREEZER ta un SUPERMERCADO den bo cas.





Optimismo tocante economia di Merca

NEW YORK, 6 Febr. - A pesar di e hecho cu e actual periodo di recuperacion economica actualmente ta drentando su di cuater anja e desarrollo ta keda animante y fuerte, asina Federal Reserve Bank di New York ta opina.

E banco ta muestra cu e expansion di economia americana a worde realiza sin e estimulacion di un rebaho di belasting. E rebaho di belasting cu a worde propone lo por contribui na solucion di e problemanan manera desempleo, capacidad di

produccion cu no ta worde usa, asina e banco ta bisa.

Tocante e balans di pago di Merca ta worde bisa den e relato cu esaki berdaderamente ta duna un mehoracion pero toch ainda e deficit ta desagradablemente grandi.

Merca mester hasi esfuerso pa un mihor equilibrio den nan pagonan internacional si e confianza internacional den dollar mericano kier keda establece, asina Federal Bank of New York ta bisa.

Welga na Italia

ROMA, 6 Feb. - Awe ambtenaarnan di Italia ta tene un welga di 24 ora, pa revisa e schaalnan di salario y e circumstan-

cianan di trabao. E directiva civil, ferroviaria, y oficina dicoreo ta completamente paralisa.

E muchanan di school ta gosa di un dia liber extra pasobra meneaanan di school tambe ta participa na e welga.

For di mei anochi awe marduga no tabatin ningun trein mas ta corre. Tur oficinanan di gobiernan na Italia ta sera door di welga.

Entre tantu tecnonan di e emisora nacional di radio a cuminsa un welga pa tempu illimita ayera. Tur tres e emisora nan ta transmiti awor solamente musica graba.

gana di bay mira mi carné nan promé", el a bisa, mientras el a hiza su wenkbrounan. "Pero kizas ta laat caba... y no ta necesario cu mi mester mira nan awe,... mi por lagué pa un otro dia". "Bo tin carné anto?", Thesi a puntra. "Cuanto?", "Wel un paar di cien", e Conde a bisa mientras el a sonrei. "Mi no sa precies". Thesi a dunele un pida mata di e kerstboom den su man. "Tuma, esaki bo mester cortan chikito, asina mas of menos.... esnan mas abao mester worde kita". "Tin preto tambe?", "Kik...", e Conde a puntra. E no a comprende Thesi. "Mi kier meen e carné nan...". "Ah sí, por ta...". "Bo no sa nada tampoco", Thesi a bisa. "Si mi tabata tin carné, mi tabata sa esey sigur. Y ademas tur lo tin un nomber!". E Conde a coy un sambechi y a cuminsa corta e takinan. "Wel, e ora ey lo bo tin hopi trabao. Bo no tin un idea cuanto trabao esey ta!", Fried a cana drenta cu su mannan jen di bela coló geel, cu casi sigur el a coy for di e bibliotheek. "Okay, mi ta clá". E Conde a laga e ultimo taki cay abao. Thesi ta controla su trabao cu masha exactitud. "Magnífico?", Thesi a bisa. "Y awor bo por hinca e belanan pa mi?", Thesi a bay subi un stoel, pa e jega te na e rekli mas ariba di e cashi di cushina.

CINE

Diahuebs 6 Febr.

De Veer: 8.30 p.m. "Ring-a-Ding Rhythm" all
Rialto: 8.00 p.m. "Geronimo '18 j Principal: 8.00 p.m. "Black Gold" all
Aurora: 8.00 p.m. "The Counterfeit Traitor" 18 j
Savaneta: 8.00 p.m. "Mi Guitarra y mi Caballo" all

BOTICANAN DI WARDA

Ciudad Botica Aruba tel: 1081-1080
S. Nic. Botica San Lucas tel: 5119

WIT-GELE KRUIS

Oranjestad: Zr. Ewald
San Nicolas: Zr. Perpetua
Santa Cruz: Zr. Ludovic

INCIDENTENAN NA PERU

LIMA, 6 Feb. Na incidentenan sangrante den e departamento Peruviano Cusco (den parti Sur di e pais), diesdos campesino a muri ayera. Segun noticianan ricibi na Lima polis a haje den bringamento cu centenares campesinonan, cu algun dia pasa a apodera di un empresa agricultural particular. Parce cu den e choque ey tambe tabatin diferente herido na ambos lado.

Esaki ta e disenjo di e satelite Ranger di Merca cu diadomingo pasa a jega riba luna, pero no a logra di saca e portretnan necesario pa manda terra.

LOTERIA ILEGAL NA MERCA

WASHINGTON, 6 Febr. - Ambtenaarnan di recherche di belasting na Merca ayera a haci un asalto den e edificio di e ministerio mericano di defensa diesdos persona, cu ta worde acusa di tene loteria ilegal.

Tur e personanan arresta ta civil. Segun un rechercheur e loteria tabatin un venta di mil dollar diario.

Segun e ambtenaarnan di belasting e club na e ministerio di defensa ta forma parti di un organisacion muchu mas grandi, cu ta plama riba henter Washington.

"Aha, esaki ta net loke mi mester", e l a bisa satisfecho, ora cu el a baha cu un butishi grandi. "Ta kiko bo ta bay haci cu e pochi bjeuw ey?", e Conde a puntré. "Pasobra mi tin mester di un vaas pa mi pone e ramanan aden", Thesi a bisa. "Bo ta hayele bunita?", el a puntra despues cu el a pone e ramanan den e butishi. "Mi ta hayele precioso. E ta parce un kerstboom di berdad". Despues Thesi a sigui dorné tambe cu katuna y mas cos ainda, y el a keda masha bunita, net un kerstboom chikito. Y banda di 6' or, cu Ingrid a caba di come, nan a habri su porta di kamer, y Fried a pusha un mesa paden, y riba e mesa tabata tin... e kerstboom cu su belanan sendi. "Bon Pasco", Fried a bisa tur emocioná. Ingrid a lanta mitar di su curpa foy e cama y a keda mira e belanan sendi. "Un Kerstboom el a bisa, Ingrid a lanta mitar el a bisa, Thesi bin mira un kerstboom di berdad!". Casi e no por a kere loke e tabata mira. "Sí, Dushi", Thesi a bisa cordial, y el a pone su cara pega cu esun di Ingrid. "Mi tambe ta deseabo un feliz Pasco". "y tambe mi tin un regalito pa bo", Thesi a pone e regalo cu un strik grandi riba Ingrid su cama. Ingrid a keda mira e paki, despues Thesi, despues el a mira e belanan y bolbe mira e

AGENDA

ARUBAANSE COURANT

diariamente cu excepcion di diadomingo
subscripcion f. 3.25 pa luna edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLICITEITS MIJ.

imprimi na:

N.V. DRUKKERIJ
„DE STAD“,

Telefoon 1116 Directiva y redacion, 2116 Anuncio y subscripcion.

Directeur hoofredacteur:
D. Wolff.

TELE-ARUBA

Diahuebs 6 Febr.

5.30 Children Hour.
6.00 Industry on parade.
6.15 Corliss Archer.
6.45 Nieuwsberichten.
7.00 Seahunt.
7.30 Informacon Amstel.
7.45 Tombstone territory.
8.15 The Honeymooners.
8.45 Viana's Latest News.
9.00 Ben Casey.
10.00 Tele Aruba special.
10.30 Sign off.

RADIO CARACAS TELEVISION

Diahuebs 6 Febr.

8.45 Senderos de luz
9.00 Cajas con sorpresas
9.30 Jardin de infancia
10.00 Documentales
10.30 Cosas de mujeres
11.15 Quien es quien en T.V.
11.45 Novela
12.00 Ahow de Saume
13.00 Noticias
13.05 Cont. Show de Saume
13.15 Se necesita una amiga
13.35 Novela
13.50 Yo se lo vendo
14.20 Punto y aparte
14.45 Estudio Hector Monte-verde
15.15 Perfecta ama de casa
15.45 Aventuras de Popeye y Yeyo
16.15 Mejías y sus muchachos
16.45 Busque su marca
17.15 Sir Francis Drake
17.45 Noticias
17.50 El Santo
19.00 Mi tres hijos
19.30 Dragnet
20.00 El observador
20.15 Novela
20.30 Esta noche Billo
21.00 El matrimonio perfecto
21.30 Los defensores
22.30 Noticias
22.35 Cine para todos

"Buscando amor di Mama"

Novela pa

Pancho Papa la Poncha Pi

No. 19

"Keda sinta numa" e Conde a bisa, y despues el a bay papia cu Thesi. "Despensami, cu mi ta bin interumpi bo atrobe", Hofen a bisa. "Mi ta kere cu semper mi ta presenta na e momento inadecuado."
Pero Thesi no a worry. "Bo no ta stroba nos, Conde. Bin sinta junto cu nos, pasobra casualmente nos tin un combersacion masha importante....". E Conde a cay sinta frente di Thesi y a keda scucha tranquil loke Thesi tabata papia. Su cara tabata corra di emocion, y etabata legra su mes pa loke e ta bay haya regalo. "Bo no ta haya cu e ta un idea fantastico Conde?", Thesi a puntra porfin. Conde Hofen no a contesta mesora. E tabata emocioná y alavez e tabata tin berguenza, pasobra nunca e no a pensa cu Ingrid ta un mucha, y cu Pasco ta e fiesta di mas grandi pa mucha. "Bo no ta bisa nada?", Thesi a bolbe puntra. "Despensami...,

esaki tabata un sorpresa pa mí... nunca mi a pensa... e cos ta cu antes mi no a celebre tampoco... Cu su pensamiento el a bolbe revivi e dianan tristo cu el a pasa den un internaat. El a haya manera un ril, no, nunca ayanan Pasco tabata alegre ni bunita. Den e dianan ey el a sinti su mes mas solitario cu nunca, esey tabata tur cos. "Pero bo ta haya nos idea bon anto?", Thesi a bolbe puntra. Mi ta hayé magnífico", el a bisa, y e a cuminsa hari di contenido di mira con balente Thesi ta. "Mi mag keda mira?", e Conde a puntra. "of mi ta stroba bosonan?". "Wel anochi bo no ta stroba", Thesi a bisa, pensando cu e n'ainta ey e Conde a sorpresele de e kamer di Ingrid despenjá y djies cu un bata bisti. Fried su wovonan a keda mira esun y e otro. "Okay awor nos por cuminza", Thesi a bisa sin pasenshi. "Bo ta yuda nos, Conde?". "Mihor dicho, mi tin

regalo. "Ta pa mi mes e ta?" "Sí, pa bo mes e ta", Thesi a bisa huriendo. Cu cuidao Ingrid a habri e regalo. "Bo pulsera...", Ingrid a bisa poco poco. "Sí,

Ingrid, mi kier dunabo esey regalo, pa bo corda riba mi semper, y pa bo sa con hopi mi ta stimabo". Thesi a bisa. Ingrid a sera e pulsera duro den su man. "Pero bo a regalami bo mes pulsera!" Ingrid a bolbe bisa, manera cos cu e mes no por kere ainda. "Mi ta asina feliz..." El a corre braza Thesi y a cuminza jora. Thesi mes tabata serca di cuminza jora. "Okay, awor bo no ta jora mas, el a bisa mientras cu el a pone Ingrid drumi bek. "Pasco ta un fiesta alegre, y tur hende mester ta contento, y nanno mester jora". Thesi tabata tin miedo cu e emocion no bay haci Ingrid danjo. "Laga nos bay sinta riba bo cama, te ora e belanan caba, y nos ta papia un poco cu otro Okay?". Fried y papa tambe ta bin sinta junto cu nos no?", Ingrid a puntra. Thesi a drey mira e Conde, kende keda pafor pará. "Bon Pasco", e Conde a bisa mientras el a cana drenta y el a cana bay serca Ingrid. "Mira pa bo bira bon atrobe, Ingrid, mi tabata asina spanta pa bo....". E conde a bisa. (e ta sigi)



* ————— *

Rey de Copas ta haci bo carnaval mas alegre! Rey de Copas ta pertenece na e mehor momentonan den bo bida! Pasobra e ta traha, pa perfeccionistanan den sabor! Cu ijs? Cu soda? Cu limonada? Straight ariba ijs? Selecta esun cu bo kier, y saboria e delicioso RON REY DE COPAS, brindele na bo amiganan y amigonan. Biba carnaval-biba Rey de Copas!

*
 // // // //
*Y corda sigui spaar botternan bashi di e delicioso y sabroso
 RON REY DE COPAS, pa participa den nos proximo concurso
 cu ta mas sensacional, y mas formidabel, cu yen di sorpresas!*

* ————— *

REY DE COPAS
 ARUBA DISTILLING COMPANY

Wilhelminastraat 47.

Tel. 1266

HOROSCOPO PERSONAL

ARIES 21 maart - 20 april

Aspectonan en general ta favorable pa invita huespednan y pa diverticion. Bo lo mester percura sin embargo pa otronan paga nan parti den gastonan.

TAURUS 21 april - 21 mei

Bo tin oportunidad pa hasi cambiona n pa mehoracion. Cuida bo bistirnan y sali busca contacto cu otronan. Hasi uso di bo influencia personal.

GEMINI 22 mei - 21 juni

Awor bo huicio ta hopi bon y bo por tuma medidanan cu ta duna bo ventaha y cosnan cu bo ta desea. Bai cu economia.

CANCER 22 juni - 22 juli

Un dia menos favorable pa hasi compras importante. Evita gastonan extravagante. Atardi trata pa drecha bo errornan.

LEO 23 juli - 23 augustus

Weekend ta exige hopi atencion pa bo familia y bo cas. Mostra esnan cu bo ta stima cu bo ta sinti algu pa nan.

VIRGO 24 aug. - 23 sept.

Tuma medidanan na ora pa un weekend agradable. Bo tin oportunidad pa goza di bo hobbynan y compania di sernan queri.

LIBRA 24 sept. - 23 okt.

Esaki ta muestra un dia masha favorable pa logra algu y juda otronan. Anochi ta exige cuidao cu loke bo ta come pa no perhudica bo salud.

SCORPIO 24 okt. - 22 nov.

Bo tin mester di cooperacion di otronan y bo ta spera esey tambe. Mostra nan esey, nan lo aprecia bo ayudo pa nan problemanan.

SAGITTARIUS 23 Nov. - 22 dec.

CAPRICORNIUS 23 dec. - 20 jan

Si bo ta pensa riba fiamento di placa, awe ta e dia adecuado pa esey. Anochi laat ta resulta poco fastioso, no perde sonjo.

AQUARIUS 21 jan. - 19 feb.

Sucesonan y cambionan ta brinda bo un bon oportunidad pa mehora bo prestigio serca otronan. Mostra bo buena fe y bo capacidadnan.

PISCES 20 feb. - 20 maart

Un dia favorable pa traha plan y regla tur sorto di asunto. Bo por spera un bon noticia pa carta of pa telefon. Evita discusion.

RIP KIRBY

Agente exclusivo di FRIESCHE VLAG

pa cortesia di:

lechi evaporado y lechi en polvo

JAN BODEGOM & CO (ARUBA) N.V.

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



PEPITA

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.




BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



DICK TRACY

